

Calvin Maduro ta gana su prome wega di temporada

ORANJESTAD(AAN)- Ayera e astro Arubano Calvin Maduro a logra su prome victoria den Grandes Ligas pa e temporada 2002.

E equipo di Baltimore a enfrenta Chicago White Sox na Chicago y a bay cas cu un victoria di 9-4 riba e doñonan di tereno.

Calvin kende a cuminza e wega tabatin un actuacion sobresaliente permitiendo 3 careda limpi y 7 hit den 6 inning.

Calvin a ser releva pa Rodrigo Lopez kende a haya ayudo di Jorge Julio den e

ultimo entrada.

Baltimore tabatin 9 careda 11 hit contra 4 careda y 12 hit di Chicago.

Melvin Mora di Orioles a conecta di homerun den e segundo entrada mientras cu Jay Gibbons tambe a saca un bala for di e parke.

Ambos a empuha tres careda ayera cu nan homerun.

Calvin a lanza seis inning, a permiti 7 hit, 3 careda, a duna 2 base por bola y a poncha 3 bateador, logrando asina su prome victoria e aña aki.

Su record ta awor 1-1.